

Seruan Islam

Daripada

Dato' al-Sayyid Ibrahim bin Omar Alsagoff anggota

Majlis Pengasas Lembaga Alam Islam di Makkah al-Mukarramah
dari mula ditubuhkan.

Dan

Yang Dipertua Persekutuan Seruan Islam dari
tahun 1937 hingga pertengahan tahun 1968.

Kemasukan Islam ke Korea:

Sesungguhnya kemasukan Islam ke Korea, adalah bermula pada tahun 1951 Masihi, melalui imam-imam tentera Turki yang turut dalam Peperangan Korea bersama-sama dengan lain-lain pasukan tentera Bangsa-bangsa Bersatu, dengan melalui mereka itu, telah memeluk Islam seramai 56 orang lelaki dan 20 orang perempuan Korea, yang telah meresap di dalam hati mereka kepercayaan Islam, lalu mereka menyiarkannya pula di antara kaum mereka. Maka ramailah yang telah memeluk Islam dari hasil usaha mereka itu, sehingga hampir-hampir sampai tiga ribu orang lelaki dan perempuan.

Yang mana tidak seorang pun di antara mereka itu orang-orang yang berada. Iaitu sebagaimana halnya pada kebanyakan agama yang diturunkan, yang mula-mula memeluknya ialah orang-orang daif, fakir miskin di dalam kebendaan, tetapi kaya dengan hati dan jiwa mereka. Keadaan mereka itu tidaklah dapat menolong mereka mendirikan sebuah masjid atau sebuah madrasah. Oleh yang demikian mereka itu

mengharapkan saudara-saudara mereka di negeri-negeri Islam. Supaya membantu mereka itu. Maka kepada saudara-saudara kaum Muslimin itulah saya tujuhan seruan saya ini, mengharapkan daripada mereka itu derma untuk mendirikan sebuah masjid dan madrasah di bandar Seoul, ibu negara Korea Selatan.

Meninjau ke Korea:

Di dalam tahun 1962 saya telah sengaja pergi ke Korea dan telah dapat berkenal-kenalan dengan orang-orang Islam di sana dan saya telah berpeluang memberi syarahan mengenai pengajaran Islam di ibu kota itu dengan secara umum yang telah memberi kesan yang baik kepada mereka itu.

Apabila wang pungutan sampai kelak kepada jumlah yang mencukupi untuk membina masjid dan madrasah atau salah sebuah daripada keduanya itu, maka saya bersedia pergi sekali lagi ke Korea untuk membuat persiapan-persiapan permulaan dan atas bagi melaksanakan rancangan itu dan saya akan amanahkan wang yang terkumpul itu di kedutaan kerajaan Malaysia di Korea,

untuk dibelanjakan dengan teliti dan sebaik-baiknya bersama-sama saya untuk tujuan dan maksud tersebut, sebagaimana yang saya dan Yang Teramat Mulia Tengku Abdul Rahman, Perdana Menteri Malaysia, telah persetujui.

Tidak seorang pun ada mengambil perhatian berat mengenai perkembangan Islam dan orang-orang Islam di Korea dan menderma kepada mereka itu kecuali kerajaan Malaysia.

Saya rasa tidak perlu menghuraikan betapa besar pahalanya yang akan diterima oleh mereka yang menderma itu, dan ini tidaklah syak lagi sebahagian daripada jihad yang sebaik-baiknya pada jalan Allah dan telah disebutkan di dalam al-Qur'an beberapa banyak ayat-ayat yang menggesa berjihad dengan harta benda dahulu sebelum berjihad dengan nyawa untuk membela Islam dan menyeru kepadanya. Oleh yang demikian barang siapa yang tiada berupaya berjihad dengan nyawa, tetapi jika berdaya berjihad dengan harta benda, maka diharapkan janganlah kiranya ia terasa keberatan berbuat demikian.

Seruan Islam

Kristian di Korea:

Agama Kristian telah sampai ke Korea terlebih dahulu daripada Islam dan orang-orang Kristian telah mendirikan beratus-ratus buah gereja, sekolah dan rumah-rumah sakit dan telah memasukkan ke dalam agama mereka lebih daripada dua juta setengah orang-orang Korea. Belumkah sampai masanya bagi orang-orang Muslimin membantu mendirikan sebuah masjid, supaya menjadi masjid yang pertama bagi orang-orang Islam di sana?

Lembaga Alam Islam telah menderma sekadar yang dapat terpikul oleh kewangannya dan kesanggupannya bagi menjayakan rancangan itu. Dan saya akan pergi sebagai wakil Lembaga Alam Islam melawat negeri-negeri di kawasan Teluk Arab bagi mengusahakan pengumpulan derma-derma bagi rancangan itu dan sudah barang tentu akan dikatakan kepada saya kelak di sana adakah tuan telah mengusahakan dan telah dapat mengumpulkan derma-derma daripada orang-orang kaya, kerajaan tempat terbitnya seruan ini, apakah yang saya akan katakan? Saya harap dapat mengatakan bahawa mereka telah menderma juga.

Kiranya lapan puluh tahun dahulu, kalau saya tidak silap, Islam telah masuk ke negeri Jepun. Meskipun telah sekian lama, tetapi bilangan orang-orang Jepun yang memeluk Islam di sana hanya kira-kira seramai seribu orang sahaja, sedang di Korea di dalam masa sepuluh tahun sahaja

telah sampai bilangan mereka itu seramai tiga ribu orang Islam.

Tidak patutkah kejayaan ini mendapat galakan dan sokongan supaya bertambah ramai lagi bilangan mereka itu?

Maka diharapkan daripada mereka yang berkemampuan di negeri ini (Saudi) menghantarkan derma-derma mereka untuk rancangan ini kepada Yang Amat Mulia al-Shaykh Muhammad Suroor al-Sabban, Setiausaha Agung Lembaga Alam Islam.

Islam Menggalakkan Jihad Dengan Harta:

Firman Allah Ta‘ālā di dalam al-Qur’ān, “Sesungguhnya orang-orang yang beriman dan berhijrah (berpindah) serta berjihad dengan harta benda mereka dan diri mereka pada jalan Allah dan orang-orang memberi tempat tinggal dan menolong (orang-orang Anṣār) adalah mereka itu setengahnya menjadi pimpinan kepada setengahnya.”

Dan firman-Nya lagi: “Orang-orang yang beriman dan berpindah dan berjihad pada jalan Allah dengan harta benda mereka dan diri mereka adalah mereka itu mendapat sebenar-benar pangkat di sisi Allah dan mereka itulah orang-orang yang menang.” (Surah al-Tawbah, ayat 20).

Dan firman-Nya: “Wahai orang-orang yang beriman, mahukah Aku tunjukkan kepada kamu satu dagangan (perniagaan) yang menyelamatkan kamu daripada azab yang amat pedih” iaitu hendaklah kamu beriman kepada Allah dan rasul-Nya dan kami berjihad pada jalan Allah (kerana membela dan mempertahankan agama-Nya). dengan harta benda kamu dan diri kamu. Inilah sebaik-baiknya bagi kamu mengetahuinya”.

(Surah al-Ṣaff ayat 10 dan 11).

Semoga dikurniakan Allah taufik kepada

tuan-tuan dapat membantu mengasaskan masjid yang pertama bagi Islam di Korea Selatan dan tuan-tuan sekalian sebenarnya adalah mereka yang layak mendapat taufik, *in shā-Allāh*, dan kepada Allah kita memohon pertolongan atas perkara-perkara dunia dan agama.

sudah siap!

Siri Kesah

Tokoh Sejarah 1

RUPA YANG BUROK

*Di-padankan dari che-
rita2 Sejarah Islam.*

*Didek-lah jiwa kanak2
dengan menggalakkan
membacha buku2 se-
jarah ringkas Islam.*

*Di-jalin dengan baha-
sa yang mudah dan le-
kas di-fahami oleh
kanak2. Serta di-hiasi
dengan gambar2 lukisan
yang menarik.*

Sa-buah 40 sen.

Pos 10 sen.

Pesan-lah kepada:

QALAM

8247 Jalan 225,

Petaling Jaya,

Selangor.